

皇清文穎續編

皇清文穎續編卷三十七

賦

後哨鹿賦

劉綸

有司原下臣參譚政事猥稱由鹿隸於前誌株無心
於兔守梁何意乎獺祭類窮鱗之躍柳疑倦翮之投
翳終比物以拘方詎進道而游藝爰迺茶然中慕
上林主者而詞其義曰伏觀

聖天子之撰辰効駕而木蘭是莅也大武旣肄毋禽

彌母草薶嘗有取於索倫之初制矣驢夫烝徒戢勁
旅偕繩遂谷梯縣厓偃長鑕招潛慶方且批斑紋之
狎獵拉疑角之槎枒曷爲蠲罔弃媒除杙斷置俾鋌
險僥虛之輩靡不趨納鉢登流沙以若赴乎厥家逮
乎獲雋

旋鑣風清大野

奎文迭賡苞符函雅二氣緘滕百昌鑄冶回睇八十
一車之間睢盱嚵唼說響希光者竟舌撝而不能下

主者曰嘻而弗知而弗知蓋

至尊之躬習勞而飭行師也常必變正必奇龍驤乎
魚麗乎乾綱而坤維岳引而川隨則有如甫草長楊
同塗共規子大夫故目飫三驅之

盛儀已至其九麓十荒千夫重趼鐙樹星星而未央
花驂尾尾而不見袂露遲收旌颺早冒灌莽密蒨時
踞鵠旦羌鳥卽而鼠空競嘑朋以相飯烹長哨之遙
傳儼殊方乎盡獻意者陽施陰設霧合雲散正軒后

握奇之所以教戰而廉蔣孫吳者流每高語攻心搃
吭抵巇伺便斷斷然相與揣摩而簡練也然則卽事
雖勞烏可以請間云爾乎且聲音之道橐籥秦箏案
衍區寓亦跂喙蠕動者之所噢而响也自雲門之琴
叶則驟耳騰於阜嶰谷之筦諧則長離振其羽極吹
萬之不齊咸龔鼓而軒舞胡彼伊尼斯宮斯所奮跡
孤鶩分疆環處倏狡焉以乘墉還塊爾其委土覆空
墮之葉去也奚追吹在野之笙來乎勿拒應弦而疊

雙之中可期解網而一面之逃何許所以參元化於
狂獠所以簪真幾於孳乳職是故歟職是故歟司原
於時拊髀欠伸仄席而陳曰有旨哉云云乎吾聞用
志不紛乃疑於神旣感之以天籟又和之以天均故
能與接爲構不撓其寧妙取則於不遠復太初以爲
鄰繫維

至人物告其真斯指可得而申也微子所究孰發吾
覆耶昔者伊耆首出厲身遊囿有虞際盛象爲之耨

夏道光而黃龍負殷德至而蜚蜚祝文以非彫獲武
以蒼兕狩特用彌文鋪張閎茂已耳有若是之率典
由舊山輸谷輳不馳不驟而馮生在宥者哉二臣遂
畢攄所臆諗於下走賦以質言請爲之後

秋郊大獵賦

謹序

汪由敦

乾隆十有四年秋

皇帝狩獮於塞上七月初吉奉

皇太后鑾輿發輶於京師諸皇子皆扈從經熱河抵

木蘭蒙古諸王公鱗集迎覲率徒衆簡精銳以

從事於行圍三驅禮成彌月旋軫

臣叨侍

清蹕獲覩羽獵之盛竊伏思在昔長楊上林近在

畿甸之內動稱殷天動地野盡山窮故或恐啓

後葉之侈靡或恐農民不得收斂此相如揚雄
之徒所爲雍容諷諭莫覺寤於一得也令獲生
於今日仰觀我

皇清之拓迹垂統

聖天子之不揚光烈將必瞠焉失所舌撝而不能下

臣才孱不足揚厲

鴻休彰明其所以顧遭逢之幸不可以默敬獻賦曰
歲在屠維月惟夷則白精莅辰金官奉職

天子順時節而布令馬比物而士齊力七萃洗漕以
前驅招搖穆離而直北時則禾黍鋪蔡嘉穀被隴疑
疑或或恹恹彌平疇而無際蔚雲合而濤湧一
莖九穗未足陳太史之瑞今實穎實栗老農幾不名
其種亘高原下隰而不可辨今由郊圻以達乎邊陲
戒衛士之蹂躪引駢馬而避之紛萬寶之在目雖野
絃錦穀谷填瑣璣無足以喻其絢爛而陸離宜
乘輿之按節而神怡也爾乃歷黃圖經赤縣次

離宮卽

行殿仍衢室之前規安樸素而戒營繕度古北之雄
關朗天門之四扇襄羊乎

避暑之清都弭翠華而息宴寥宇廓清露溥馬蹻蹻
士桓桓林衡翹首而待命典澤戒事而服官長矛萃
從迺卒澶漫

天子乃轍唐夾而御騾裊星陳天行以幸乎木蘭伊
並塞之名王襲衣冠者累百奉湯沐而親肺腑蒙

累朝之醕液輝

神武之健行震

天威之赫奕匪徵發期會而奔走來庭會青城而有
繹貢飛黃而效賁驅號虎而執役益以索倫狡騎期
門禁旅追風迅發開石飲羽按轡如怒控弦如舞左
旋右抽忽仰忽俯恒擇肉而命中苟橫驚其必取爾
迺申之以軍律聯之以編伍越重岡陵深阻超澗壑
轉榛樛衆屬目乎前旌肅進止其有序少焉呼聲歡

重圍合四羣馳千騎而首尾應遠近接駟駢膠轡沸
渭迨遲封狼跳躑而竄突黃羊騰希而競捷元熊睽
腸而最肩顧免狡脫而輕躡屬麋麀麇之屬總總樽
搏挂角交項踢蹴而困儼迺抽荆蒲鸞

天弧麗龜決脰自膘蓬謁試應弦於一發殪猛虎於
負嵎將以示

威容於暫御肄標倏於公徒故埵視嶄巖塊睨乍粵
而未嘗不範我之馳驅已迺他他藉藉充伋周陞

念效獲之孔多命弛圍而舍諸符解網於天乙嚙惠
風於騶虞聿計鮮而頒禽紛馳載而車輸迺知竦戎
校武異夫從獸之爲娛也昭仁秩禮異夫竭澤而不
留其有餘也間從掌故竊聞夫木蘭之所自焉南襟
灤江北枕興安左控巴林右引柰曼翁牛特喀喇沁
諸蕃部之環繞而碁布者儼拱衛於畿寰其山則酋
峯嵒嶙嶸嶸嶸巘有宮有霍有岌有峘寵從乎龍堆
千疊之崇巔其水則汨湫渾沸潏潏潰潰爲沮爲澤

爲瀾爲沍潛演乎羊腸百折之迴川凡毛角蹄遠之
儻儻俟俟者胥蕃字衍息乎其間木則樺靡留皮松
仍落葉黃榆望秋而飄霄丹楓經霜而炫曉其他交
柯而挺榦與夫蒙茸蒼葢者復蓼莪而蒞獵其陽則
紫菊金蓮揚葩含芬敷隰緣潰其陰則巖霜戕冰慘
廩凌兢白草翳鬢蓋數百里之內旬日之中氣候判
乎其不同倏片雲兮散漫灑凍雨兮溶濛或密霰兮
交加更飛雹兮相攻菑畲不可冀其有穫井里不可

卽其田功是以界以虎落殊其疆索匠氏不營司空
弗度殆扶輿融結以供靈囿之表貉緬維

聖祖之長駕遠馭荒高山於天作於鑠哉我

皇之紹休繩武拓戶牖於大漠撫列藩而浹之以露

泮咸鳬趨而雀躍且方今煢燧銷聲靈煥實蕤革心

侯尉謹約梯航納畫省翹咸若安可以履泰而忘危

懷安而示弱仰

聖蹟之孔彰煥

遺徽其如昨故不憚涉埃壚而席戎鞍冒風霜而勤
旃幕卽麟趾之振振且豫教以習勞而恢之以雄畧
不然夫豈不知

九重之爲安而端拱之足樂也况夫奉

安輿侍左右日靡間於定省佳辰屆而上

壽視膳給鮮以笑以侑至於勅幾政披章奏先晨鐘
而求衣遲歲蕤於夕漏通萬里於指掌固八荒之在

宥洵

王者之無外沙磧不殊乎宮園更復

飛豪拈韻鸞翔雲驟翩若遊龍炳若綉繡雖游藝之
餘閑有以知

神功之曰懋尙復進角觝而決勝張畫侯而志毅蓋
濬哲文明乃

天縱而時敏而健行不息則純嘏之多益而單厚由
是觀之不闢

鴻模顯號也承歡

慈豫篤孝也垂裕少成至教也綏懷屏翰宏造也載
績武功要道也行慶頒賚優勞也一舉而諸善備焉
此其爲

聖天子之大獵而翰林子墨者流固不啻持螯而
當曦曜也頌曰

廣甸膺膺

皇武履兮麇鹿麇麇紛若跂兮我士孔武猷以俟兮
躬桓藩輔執鞭弭兮式歌且舞惟

天子使兮湛露斯溥胥燕喜兮內訓外撫具衆美兮
嗣服

仁祖後先一揆兮昭茲來許多受祉兮

秋郊大獵賦

謹序

蔣溥

記稱教田獵習五戎周禮中秋教治兵遂以備
田非徒七澤四校侈車騎賦巨麗而已乾隆十
四年秋

皇帝朔巡塞上奉

皇太后鑾輿出古北口所過稔黍倍豐戒蹂躪免租
稅

駐蹕避暑山莊

賜讌從臣白露出哨於木蘭蒙古諸部落逐道以從

旣行圍

親射命中日

頒禽有差

乙夜批章頻灑

宸藻文武仁孝之德光被中外洪惟

聖祖仁皇帝御宇六十一年嘗歲舉秋獮於茲

皇帝順

天道講武事協藩情省農稼用以繩

祖武而昭示萬年

臣隨

輦恭覩紀實爲賦其辭曰

皇帝聖武法

祖時巡示軀軀之禮揚騶虞之仁大獮朔塞遠撫藩
賓金颺翔乎曠甸赤曜霽乎高旻蓋以是歲之春
藩歸化振

大清之天聲秉德威於中夏撫一家而恬熙順三農

之休暇爰習軍旅爰選車徒孟秋吉日發軔
皇都怡怡翼翼祇奉

慈輿丹雲轂夾紫鳳輪扶

翠華遙拂

鸞轡晨驅雙纛則日月樹其表八旗則正鑲握其樞
王公卿士軍裝以騶期門伏飛十萬箭筈止則周廬
行則戒塗別館鮮丹雘之飾雄關扼尉候之區黍稷
漫山倍稔蕎花綴雪紛鋪咏屢豐以

周覽禁蹂躪而蠲租遂莅

山莊夏開

行殿熱河一曲雲山四面紹

皇祖之遺規闢佳園如內甸奏鈞樂啟芳讌泛蓬池
薦珍饌嘉蔭蟠樛瑤葩葱蒨豫

色笑以凝床慶賡揚以集彥時則明月四五白露濃
灤鴻南正秋漠北已霜豈獸肥而弓燥不雷動而采
張乃簡獵士乃清獵場則若肆師則若翟氏或掌示

路或掌園疆玉環大白金鎬鷹蒼射雕之手殺虎之
鎗莫不瓏瓏鞭轡肅肅襟裳

行營萬帳曉移夜屯市販鱗集部落車奔其地山則
達陰烏桓界乎興安鈎折回盤水則羊腸千灣伊遜
一源汎流激湍草則金蓮翠雀秀出蒿藿靡谷不蕃
木則樺榆楓櫟叢生巖岫曳烟若村此蹄角毛羽之
族所以依蔚而棲樊於是每旦天碧早駕星明虎賁
電舉珠勒龍乘一校中建輝輝黃旌四校雙引白旌

藍旌蓋用蒙古騎千有二百而益以索倫勇士滿洲
禁兵其始也如鳥翼之振左翼右翼翩翩以興其繼
也若魚隊之貫前隊後隊尾尾以行恢恢乎邇及遐
兮拓規外之勢綽綽乎疎得密兮收環中之精森森
乎寓止齊不愆之法矯矯乎章首尾相應之形旣撥
霧披烟以並進亦穿林入莽以相迎岡巒則高馳而
旁瞰澗壑則俯涉而仰縈將齊兮四羅聚影乍合兮
一線傳聲搜蒙龍使畢出獲飛走而潛偵東勢漸小

三才圖會卷之二十一
五十二
匝圍甫成斯時天清而日麗

慈輦臨觀於幔城乃駐天馬爰施天伐中必疊襲矢
無虛發翰惟前墮足不旁突令士搏格奏勇迅烈指
蹤響翕命處姦歟非山是籠非野是刮於以承

光儀贊

歡悅誕宣

皇威載昭師律詎惟除害田而云不殫物於焉萃從
官而

頒禽於焉

御細旃而弭節蓋我

聖祖仁皇帝歲舉秋獮於茲以其地水草雖善人民
故稀耕耨曠而未及牧放肥而亦宜且錯入乎四十
八藩之境而截長補短則方千里以逶迤用取是爲
甌脫以控馭而柔綏且以閑戎事且以利軍資方今
述

家法續武功隆

孝德暢華風諸藩上

壽禮樂雍容矧夫

堯文煥

舜歌作六藝林園三才揮霍布仁義爲畢置統車書
而包絡岐陽之鼓斯鳴天乙之網斯廓夫固曰鳥獸
草木上下咸若先天下而憂後天下而樂

平定金川賦

謹序

汪由敦

皇帝紀元乾隆之十有四年春二月金川莎羅奔郎
卡請命元戎率其徒醜旬伏軍門誓奉約束永
戴

恩德號籲哀禱出於至誠經畧大學士忠勇公傅恒
承

制納降露布驛聞自闕廷達於康衢若臣若民同聲
歡忻踴躍抃舞

天子曰惟

昊天

列祖相予有家詒慶襲祉且率我

文母之啟迪以集是勲也爰咨禮臣備舉慶典於時

羣公常伯鋪鴻藻申景鑠作爲雅頌譜諸樂府

饒歌丕宣凱樂斯暢皇皇洋洋極藝苑之大觀

矣臣竊惟

聖天子之盛德鴻烈焯爍絃埏臣庶罔弗共覲至於

難燭先曙仄席遲漏乾健而行自強不息與夫

淵衷密運

睿謨神捷先機遠燭動中窾會臣等日侍

清光雖末由仰測高遠而覩記親切有非外廷所能

具悉者謹不揆舛陋敘爲古賦冀以宣述萬一

有梁益下士咨於中樞大夫曰繫昔先王經野畫疆

曰蠻曰夷有要有荒示羈縻而不絕固荒忽而不常

惟彼金川僻界荒裔其地則組橋索引鬱岵嶰巖不

足版圖隸也其人則騰踔倏眇咀咀蠢螾不足編氓
字也有跳而獬如瘳自噬有攘而逋如竄於窬顧迺
勞銳師而事遠攻得無初計之未審所從與大夫曰
於豈謂是哉我

聖清之廓帝紘而恢皇綱也東燭西耀南煌北燭惠
液浸衍旁魄配藜含生之羣靡不游原而泳沫何葢
爾之弗率乃思逞於鄰封太陽曜不能強矇眊以視
明和風扇不能化鵠鵠以好音今夫桃闕以西諸番

星列牙錯鱗次蜂房螳垤其輯脅歸懷藉帡幪而仰
維挈也非一日矣弗衛安庇弗翼安暨殖嘉穀者去
螟螣擢良材者翦荆棘天戈所麾固將建威銷萌初
非利土宇以恢疆張撻伐而校力也時則閩帥失圖
老師罷衆就駢戮以伏辜究威柄之所用載咨心膂
相惟一德載授符節以匡以敕出飛黃於天育資溫
毳於尙方旌旗郅偁驂騑騰驤

天子闐闐闐闐禡靈旗次虎帳手御卮仿古禮之推轂

目送其騁步於中達爾乃厯燕趙馳并晉邁咸秦以
直指輾劍閣而徑進斯時也日在浚狼陽來復初風
饕餮毛嚴霜裂膚元宰抒衷赤於天稟勵匪躬以忘
軀均勞士卒分苦隸徒束驪馬以凌絕險涉層冰如
履夷塗羌談笑而步百里賈餘勇其有餘然且朝拜
章奏夕治軍書嘗申旦以廢寢復昧爽而長驅伊古
之名臣良將厯選指數胥遜謝而蔑如也迨莅和門
軍律是申川巖爲之動色壁楯爲之更新狡謀伺間

奔命貌馴數罪狀以揮刃馘妖狐以橫身凡逖聽而
環視者莫不賊竦驚怖睥睨而隣眴睥睨王旅如江
如潮塞雲棧岵岵方厚集以揚鋒行崎嶇而焚巢
賊徒旣剝腹心而落角距謂將翹足而隕覆也倉皇
號譟無間宵晝元宰以聞

帝用惻然矜彼蒙瞽前而宥之重以

聖母之慈訓憫其窮而無救也亟

詔班師曰武不可究賊方恐懼懵不知其所託命桓

桓岳帥夙稟教令走丐更生扶服延請釋我几俎援
我窻穿導迓徒御由黨壩而架踐其竟靡約不從弭
耳聳聽帥曰俞哉我

天子神聖固有以孚豚魚而格臯獍也用達厥悃而
佈諸元宰乃除道築壇清壘張幕蕪薌吹螺梵樂間
作番酋率衆成列以待元宰之至稽顙樹領蛾伏拜
膜自陳罪惡倖脫齊斧而出鼎鑊申明誓之旦旦奉
六條之成約昔嶺墮金川涸誓不渝懷祇恪載獻其

琛南金滿橐瞿曇寶相獅象纓絡元宰宣

詔旨而示大信振

皇靈之的鑠番酋忻喜過望悔歸遲而內忤於時雲
日開明祥和綢繆巴兒寶叟咸舉手加額曰自有此
土所未嘗覩信天人之協應而陽春之彌浹於區宇
也大凱旣奏式遄其歸擁豹尾之雙戈控紫韁之陸
離晉上公之顯爵煒殊錫之歲蕤祭命服之加隆酬
偉伐而匪私且獨不見夫錦江玉壘之頌德而無已

者乎或忭於衢或歌於市如戀慈母變彼赤子香花
載路企踵俟俟者延亘千里或列姓名銘蓋製衣却
弗能止丞相祠堂並列以祀伊忠誠之感有以深入
人心且勿謂蚩蚩者愚蓋同聲一辭謂
聖天子之知人善任使也

天子方遯釐於

昊穹歸美於

祖德於

廟於

陵茲祀祇飭王公卿尹咸思熙

鴻號以昭桓撥顧先已奉

諄誨之謙冲鬱輿情而抑默懿

聖母之慈恩晉

徽稱而增福履滋保乂以誠民奉

璇闈之燕喜於是

御紫宸而受賀中外禔福頌明良而賡喜起摘

雲章挾

鴻筆刻琬苕紀事實典謨商皇襲六爲七告成成均
豐碑屹崕厯千萬禩胥誦

聖謨之洋洋而流

德音之秩秩必若所言棄彼度外則何以闡綏世之
長御宏覆幬之遠量且何以發其天良俾革心而內
嚮也又何以昭示遐邇使姦獍者知所戢而強梁者
知德化之不可抗也如論其兵力之雄則羽林伏飛

雲輶臨衝輕武利趾踣壁躡空伊涼之健卒滇黔之
選鋒索綸烏拉突騎元戎莅颯卉翕趨捷鴻綱器用
之利則黃間赤羽開石貫墉應弦馬蹄發必洞胸輕
甲繡襦吳綿疊重韜逾兕犀能禦火攻矧夫揚威巨
礮輕裝九節赤堇千鈞圓瓜隕熒雷礮電飛走裂迸
威杳莫測其神奇直掃迹於一瞥何堅不摧何阻不
抉若是乎其鉅利而盪軼也間小試於巴郎墮印籠
其半折則使中峯飛度破竹振鐸試奇謀之得展固

將輶籍而麟輶蓋嘗執奏至於再三而

聖天子施解網之仁運止戈之畧却逸足於中路抑
餘怒而迴薄良以攻昧而撫順予善而棄惡閔大造
於無外柔異類而綏不若故曰天因人聖人因天勢
如轉規謀如湧泉兵法曰全勝不鬪太兵無創天以
阻深智昧俾茲異種得卯孕煦字於一方夫豈人力
所能戕故力雖雄弗究其用器雖利節之以制戰而
後服不如不戰而自屈也度蘭津而爲他人不如伐

其心而予維新也曰凜凜乎佳兵黷武之戒而時行
時止知進知退所謂至誠如神無遠弗届其懷德畏
威者視獻俘折馘爲更倍是豈管闕蠡測所能仰逮
者哉系曰堯曦晶兮舜風颺參巍巍兮廓蕩蕩世曼
壽兮延景貺梁益下士乃呀然自失曰蓋自中和樂
職宣布之詩旣闕未嘗聞斯懿美今飲於醲和飽於
醇德大夫復覺以至誼仰歎悅服幸哉獲邁乎斯世

平定金川賦

謹序

朱珪

皇上命經畧大學士忠勇公傅恒蕩平金川蠻酋既

降乃下

明詔納款班師天包地容

德威遐播

臣

謹贊述

盛烈作賦以

獻其辭曰

皇帝德濤威煥乾鑿坤始陽以文敷陰以武拏疆外

之醜金川恃岨鬣趨狐跳以敖以驕日越月超不卽
鏖屠

皇赫斯怒命相臣恒出師於都是膺是懲是月也辰
在斗柄騰蛇相鉤指建星以爲旗兮河鼓翩其靈旗
羽林寔以壘辟兮毗旬始而培蚩尤擲觜觿於西極
兮魑首顛其若囚刷梮槍而踏天狼兮咸怛魂泐魄
盡眙而睽睽蓋兵未觀乎原而已咀僇狡而胸蠟狙
也迺杖鎬邪而帶干將兮粲翠鸞而貂旄玉螯象鎧

般其璘璫兮

錫龍阿而佩闕鏤於是

皇帝受

命於

祖旣造旣禡龍旗婉暉而綵繚兮鈞天礪鐃而猗那
握神符於元堂定

天策於

展座挈玉斗之柄執金錘之橐

乘輿迺御六蛟而驂八螭兮靈元繽紛而並迓

賜瓊鬯以飲餞兮黃金勺而玉罍觀元戎之啟行兮

若掣電之翕赫龍乘焱駭虎騎雷掀颺馭神驤躩其

騰躍兮羌一日而走千條睥睨洊湯湯若波兮殷轡

膠輻曾不可乎猱攀曳青虬赭鳥之螭鰐翻翮兮雖

赤驥白義奔超影而不得先馳玉壘峨岷之崆峒屹

嶠兮若靈奔鬼趨厲而不顛我軍旣屯築石揭輪蠻

獠錯愕褫精亡魂外雖犄角中如燄焚爾其叩嶮九

折弄棟八灘虎臂羊腸馬搏牛顛赤水爛施以吐丹
金繩刻屈而螽斷鉤蛇赴蟻其尾捎令薊莅拉颯而
射鬼彈灰野青赤其爛光兮雪嶺冬夏而閉霰屹一
峽五岬之碣礪兮扶飛蠲而蹶狡魏故其溪猺洞蜚
譎詭猥挺魚刀斲石毒鋼飲牛腰弩偏架足張手彊
駢脅束麻絡馬當鑣巢居干欄鼓角吹嘔巨鼻象飲
鑿齒飛頭漆斛火蹠頰睚碧眸赤穴變化乎素虎九
隆條忽于螺蚪蠢蠢蠕蠕若豺若魑若貙若貅者自

以窟乎絕險而不知

王師之劉之也迺敦中壘於巖嵌兮環千營而若墉
前赤燦而後天鼉兮駢星辰而列行流雄旄以虹燭
兮曳彗星之飛芒建金鈴之大戟兮戈鋌森其若霜
蒼頭彪髯腰豪曹而首雕鷗兮顛盛直而未將飛鳧
電影羽赤白而焠鏃兮厲衝飈而怒翔伏飛之倫超
躡猿而都盧兮頰敵魁而血寇吭

皇威燁燁我武洸洸蠢愚苗民命顛於阬爰有邦灼

間於我師中訶外漏爲賊之媒

皇帝有命相鋪厥威搏戮賊諜如箝羸麤青衣之竹
旣磔鹽水之蟲不歸手格槃瓠之瘼生拔髦牛之鬐
莫不殲鯨於樅質懲慄乎剗剗是時

皇帝臨乎帝車五潢之舍太微三光之廷旭爾

天緯霽然星旋若斗杓運於中央殷北極而周八紘
迪昧爽之不顯罔達旦而不寢明登天而瞭矚聰屬
地而睎眴故發聲乎紫宮而濯靈乎西清相臣將臣

莫不用

命於是軍動雷驤師次昔嶺火龍金汁礪礪轟霆連
珠走戟炎傘掣景猶焦魑爛飛銷鏐礪狀掀輪拔軸
殷其膠捩兮半駉耆而擘開駢五山之峯嶺兮乍投
魑而相尫武擔鑱天而旬圻兮石筍捎雲而軋摧旬
礪礪礪兮若蠻丁厲而崔嵬隕燭燭燎夷兮若積薪
燒而兵蘭灰烈缺礪礪吐鞭交緋豐隆霹靂鬱律鬼
礪駭若天剗神揃而亡其嗟峨也蠻酋震驚豎其降

旗幟我之旅赤纛白麾克奔於師以厥俘來馱舌馘
音醜縷侏離潘醜垢面湔破肝脾陳其犛牛豪羊瑟
瑟碧璣錦疊朱罽翠羽文犀焜耀擣爛麗靡威蕤桓
桓我軍勃怒未息方將采阻抵巇馘大憝而獮蒐慝
匪拊其背乃搯其隘韞鳳喙之膠弓手虎爪之玉鉞
耆欒亨而觀鯨鯢繕招搖而怒賁育若天鳥之覆巢
乃獶狻而將誓鹿奔兔投如狄如獲懼厥罪之不遘
終剗剗而駟礫

天兵鱗其鋪敦兮欲乞生而不得於是

皇帝拓帡包之度霈煦嫗之仁撻逆輯順刷陳濯新
奉

皇太后命詢于百憲若干兆人既庭既玆亦莫不馴
乃

命相臣降其墮蟬以解衿而息民也

天熙其生臣厲厥伐欲拔枿椿而剔株檠蠻乃沐惕
不敢回適奉我臬師厭於其嶠獻黑羊之白益刺赭

馬之青血羣牛之漣瀏若川兮珠澤之酒糜胃而滑
桃榔百載食馬千匹崩角膜拜跽而戰栗彼酋旣款
天詔乃莅除崇壇以隱天張赤帟而爛霽控葱嶺而
西毳髡刮辰溪而南雕鍛莎羅奔狼卡頸徽肉袒首
歸乎七萃經畧爰厯升乎罽幕而收其草蔡金髯之
甲晶光耀矍狻之胄凌兢欽月鯨鱗璘其方騰鵬
鵠淬其欲剗鵠尾之箭善翺燕角之弧將彈罔不鱗
族羽攢充魚脰而裂鞬韉于是雕題漆齒之戎駢胸

交趾之羌冠以熊皮虎尾耳垂金鈎玉瑱鏤環約臂
鐵釧繫肱十尾結髻刻身像龍犀帶雕鏤象額銀裝
赤幘戴獺毼餽廩章青頰白眊離乎屈虹班紕髦苑
爛乎錦江曳蘭干之絺紵披梧桐之華英斑蘭摘繡
灼爍乎芙蓉爾其精夫渠魁扶服顛稽珍奇靈倪悅
敞遠徠則有茵鶴短狗龍角神龜臬羊獷獷翡翠駝
雞金馬荒忽其騰耀碧雞影影而扇翬扶拔鷁駮而
鸞喬師子髻髻以之而文翰絕雲以振彩鸛鵲比翼

而交攢茲白尊耳鼯犬星施獫羊五角竒鹿兩頭飲
獻白鵠之血羽用孔鳥之影從目黑齒鼓鐘若牛驥
西南之瑰琬若相招而畢投乃羅滄浦之萬鳬進朱
提以千流奉迦維之寶相獻摩竭之金軀若舍身于
龍象亘世世而不渝相臣布

皇帝命納金粟而却紫鏐資以

天錫聿開蛛蝥蠻乃炙義濡德作廟于厥虛踏歌拊
蹈以慶

天子而祝公侯也既遇負固爰振我旅竄饕餮于蚩
魅卧虎賁之干櫓

皇帝命恒汝劼孔茂錫汝桓主予毗予輔神旗豹尾
赧赫婀娜前後所

賜既廣既厚凡厥勲士亦無不與于是饒歌吹凱樂
作歌曰

皇靈燦兮天中環星野兮既同西月崦兮東明經八
索兮在綱蠻之狡兮既僵

皇仁沛兮不兵燹四海兮賓將彤弓既鑒飲至有醴
協于控楊告于

郊

廟謁

陵寢而耿

烈光奉

慈宮而上

尊號揭珽笏于明堂勒隆謁于大學龍鴈賁乎

天文日月離乎華照岫嶺之碑無所誇其青赤兮陽
虛之石曾不得北夫景曜增職方之版圖辨王會之
見類垣

神武而不殺麗包荒于覆嶠南熿丹水之朱殷北燭
燭龍之蜺蜺西熿若木之灼光東焜十日之爍耀下
崢嶸而豐融上嶠廓而金歆蓋

皇德被于無垠奚啻偈賓饗而息荒徼也哉乃作頌
曰

於

皇鑠師彪光煥兮漫乎天還淳若淵兮
驂龍駢離離煇煇兮焄騰寥厲靈無
厓兮懔如嶠岬張黃紘兮懔懔羣生
侯不靜兮湛我

皇德澹裔裔兮旣濯而濡民之暨兮
格于

寢廟曜精饗兮惟

皇之純慶無疆兮

皇太后六旬萬壽賦

謹序

劉壻

乾隆辛未仲冬之月廿又五日恭逢

聖母皇太后六旬大慶

皇帝率天下臣民敬上

徽號錫類推恩溥惠兆姓遐邇中外頌禱同升隆儀
曠典炳耀無極揚厲鋪張宜光簡冊夫盛德形
容名言莫罄觀品彙之繁昌可以識天地之大
察容光之必照可以知兩曜之明蓋萬族之所

歸者莫大於慈萬福之所鍾者莫先於壽

天錫純禧厚德載物寰寓之間潤澤豐美是以天不
愛道地不愛寶物產精英人官翕習以應

皇衷而襄鉅典合萬國之歡心致

一人之尊養非至德光昭其孰能與於此形諸篇章
雍容揄揚豈惟挑藻摘華述一時聲明文物之
盛乃以探本窮源發揮駿業葳蕤紛紜盈耳溢
目皆所謂理大物博乾符坤珍報以介福自天

申命之顯迹也據事敷陳希風曩作導和氣於
鐘鐺襲休光於黼黻宣上德而盡忠孝庶以展
稱觥祝嘏之忱云爾其辭曰

惟

天佑而

帝奉溥尊親於域內超任姒以論徽軼城郛而比太
得算於無始之先引年於紀數之外赫寶命之長疑
祕靈圖之實佩運以泰而更新日方中而知再當歲

序之逢辛值

六秩之初屆

天子大聖大孝不匱稽古求經諏儒得義謂

盛德之崇隆宜鴻號之累系光玉檢與金文揭堯章

而禹字曰

裕曰壽衷於

睿思詔於臣民彰於天地成

一人之所獨隆達萬情之所欲致蓋上以觀鴻藻之

陳而下以知景福之將賜矣乃重巽以申命越兩淙
而雷奮天綱頓於八紘帝鏡輝於四鎮韞韞發而珍
頒洪源滲而膏潤布大資於一朝導羣生而拾攜於
時環海之內雜還競進無小無大何遠何近畢集
天都爭先介僎僎盛典之景鑠向

東朝而仰覲

天子乃冠珠旒被山龍俄鳳蓋鏗華鐘欽王度肅寒
容拜

長樂之璇宮晉霞觴而露濃既尊嚴而穆穆亦和樂
而雖雖蓋大禮於是乎具舉而萬儀於是乎齊同雅
雅魚魚輝輝燦燦如雲之興如星之爛熳
冕黻之焜煌嚴

綸翟之炳煥外于官以景從內

六宮而襄贊則有天潢演迤花萼璀璨璿式金相爲
屏作翰分若木之孫枝縣瓜瓞之條蔓列戟冠與玉
具實文佐而武扞聯名王於朔部集大長於蠻縣聽

鏗匏之奏九觀颯沓之舞萬食賜俎之有飫飲錫爵
之無筭呀天闔之迭蕩繹會同於昧旦莫不仰南極
於

彤闈擬嵩高於

紫殿若乃崇

壽康以凝祉凌灝氣之青蒼眺靈峯之截嶽俯瑤水
之汪洋西際崇山蕩摩湖光穹林蔚其特起絳闕麗
乎中央象方壺與員嶠又似乎雲漢之爲章肇嘉名

以萬壽埒光碧之仙堂時溫清而宴喜乃

玉輦之所翱翔順羣情以俯觀承

歡顏於蹕路月疎桂而爲宮星連榆而列樹亘廣陌
於長虹醇香烟於霏霧濯蜀江之重錦挂海客之輕
素耀碧皺而丹渙施珠剖而貝露乃有飛檐曄嶠層
樓瀟瀟萬楹鼓倚千級雲駐彼何方之勝境乃不移
而畢具屏風九疊而方張石梁百步而可渡仙臺矗
五以嵯峨神島浮三而輦固應眞飛錫以竭來羽客

凌飈而互遇何縹緲以悠揚發音聲之要妙擬步虛
之逸韻學倚樹之清嘯金母賦桃而典宴玉女投壺
而巧笑竚

慈輿之莅止仰

六飛之先導許斑斌以瞻就見歡呼而夾道彼蒨
之有繹逮冠巾之料峭各率屬而就位不離次以相
冒偉服蟒之連蜷豐裘貂之膏曜聽

和鑾而祇肅望

清塵而舞蹈乃有鉢曇花現因陀網張樹瓔珞之寶
幢列旃檀之妙相乍裊裊以烟飄旋泠泠而梵放頌
王輪之長轉演

佛壽之無量慈尊首出於天中大士端居於海上讚
福德之廣崇謂須彌其猶讓雖竭意而累詞猶莫能
以盡況也惟

慈聖之膺錄育蒼黎而普覆聿

皇王之維辟道欽承而益茂夙駕

陪京躬親獻酎賜復蠲租恩覃故舊此

有赫之式憑所以默相於左右也望秩山川登嵩祀
岱禮舉升山功隆茂對此河嶽之懷柔所以效順於
時邁也一豫一遊春秋補助農有餘粟女有餘布此
比屋之盈寧所以謳歌而載路也我武惟揚戢而弗
究解此置羅完彼鸛鷀此逃聽之

恩威所以梯航而恐後也奉

懿訓以建極布湛恩之汪濊譬孩飴而耄羞煦萬方

而一概咸異口而同聲願祝

齡於萬有千歲是以輻湊康衢雲集

闕下當子月之開天慶年豐而農暇溢萬井之倉箱
翦千村之穠稔大車哼哼而塞路高輶戔戔而抵壘
旣財賄以紛委復鳩工而飭化思程材以效技羣鼓
舞而弗能罷

皇帝回觀聽於輿情考舊章於

祖武張周室之千儀啟虞廷之六府鑒隅向之孔殷

爰俯許而不阻秩以官階表以部伍茲以崇班衛以
禁旅廣狹有經先後有序酌時日之盈縮符垂象之
三五暢熙皞於中天會都人之士女嘉祥應候而偕
來和氣乘時而競吐自是月之初旬紛綏綏而利普
稟正氣之嚴凝滋良苗之醇醪紀上瑞而迂洪休渥
天門與地戶百度惟貞庶績攸敘此蕃釐所以土於
文母而大惠所以浹於下土也

絲綸旣賁沾被旣均如日之暄如風之薰童稚履端

而視正者耄飲醕而顏醺彼觀光於上國尤負笈而
榮欣巖穴無採芝之曲廟堂有束帛之纁蕩垢滌瑕
而樂太平者又莫知其幾許之芸芸於是展采錯事
之儔蹈德詠仁之士含哺擊壤之叟中和宣布之子
或抃野而歌謠或拜

廷而色喜誦

孝思之維則介無疆之

福履表昌熾於方來耿輝光於前史遂作詩曰

聖人之德無以加於孝以天下養實

天所詔詔以大年弗祿平平詔以豐樂上斟下酌萬
福攸同百寶奮作苞符旣啟爲奕鴻臚觀於

京師知澤被萬邦城闕巍巍日南至暉暉先一旬日
雨雪霏霏皓皓皜皜實來牟是貽其他休徵各以類
隨

帝在法宮九有朝宗清和咸理垂裳負扆朝於
皇太后慈顏悅喜甲子方周純嘏是酋

帝奉

斗車宴饗觀遊觀彼羣祝允臣庶所求再拜稽首

臣

請賦之殷殷賑賑湛湛熙熙如虞唐之時既

壽且康以永昌期